

第供之飲盃、如前次御膳次第撤之起座、
袈衣女房群集、見之歷々也。

廳初儀

先吉書儀畢、四位別當并五位六位判官代等相率著廳屋、四位別當著四方橫座、小文高麗、
端東面五位判官代二人、著奧端座、相對紫端六位判官代同著座、赤端次盃酌一獻、主典代持參盃、居折廳官取瓶子、四位別當飲畢、授判官代上臈、次主典代持參吉書并硯、廳官進之四位別當以下次第加判返之、次自上臈次第起座事訖、

小槻宿禰晨照宣旨、數通持參、詔書內記近例不持參、仍執事別當、內々寫之被進、

詔朕以寡德承嘉符、負鳳宸正鳥紀、軒丘之就日、未照蒼生之心、皇家之聖風、盍育華夷之俗、貴親者禮昵族者仁、因茲爲闢朝章於奕代、忽獻峻號於射山、洞戶迎春、根英益馥、汾陽疊浪、金石列聲、是則治世之大猷、達道之厚化、粗雖無舊典之準的、令特加新制之崇儀、宜上尊號爲太上天皇、普告遐邇、俾知朕意、主者施行、

文安四年十一月廿七日

〔康富記〕文安四年十二月廿日戊寅、今夜詔書覆奏也、去月廿七日、太上天皇、崇光後尊號詔書也、任應永十九年例、小松後被申沙汰之、五年二月廿二日戊寅、今夜有太上天皇、崇光後尊號御報書、御辭退事、洞中儀頭左大辨俊秀朝臣奉行之、御使權中納言教季卿也、御次第殿下有御作進、御報書式部權大輔在豐卿草之、伊忠朝臣清書之、略中伏見去年十一月廿七日詔書、尊號爲太上天皇者、忽驚寂辭、更想曩事、太上者至尊之號也、貴於君、天皇者、登極之稱也、大於常、是聖主之所蹈、非人臣之所居、况亦內無遜位之名、外欠傳國之德、唯以篤族之高義、豈拜尊親之憲章、與得崇重於當時、孰避謗訕於後代、早罷太上之徽號、令遂謙下之懇懷、謹言、

文安五年二月廿二日